

## G'r Nagglmaier

Mitleid un Barmherzigkeit, Männer! Wie heißt? Ich rooth Jedem, sich vun sein Mitleid un seiner Barmherzigkeit nit zu viel hinreiße zu losse, dann ma hott Exemplant vum himmlsakermentse Beischbielcher, wie leicht d'r Mensch, wann'r zu gut for die Welt is, bei annere beese Mensch schiefgewickelt angeguckt werre kann. Un abg'sehe vun bitterbeese Mensch, die hinne'r Allen gleich was B'onders suche un sinne wolle — es is aah oft g'fährlich, wann ma d'r Menschheit zu viel Guts dhut! Es gibt per Exemplant



junge Weibslitche, die, wann ma'n de Finger gibt, so tiehn sinn un gleich die Hand verlange, un eem in verfluchte Gerichtsverhandlung verwickle, wann ma'n dann nit gleich noch Wunsch uffwart. So Geni, der ma vielleicht emool was Guts gedhan hott, is im Schtand un laaft eem 's Haus ein un will noch mehr, immer noch mehr! Verschreibt ma so'eme junge Jellängerjeliemerblimmche dann noch Wunsch nit gleich die ganz Herrlichkeit, die ma im Schreibpult ligge hott, fangt se an zu lamentire, un droht mit Enthüllunge aus vergangene Zeite, wann ma nit so un so viel deppert. Wie g'sagt, ma hott sehr oft Exemplant vun Beischbielcher im Leewe. D'r Anwalt der Gerechtigkeit nimmt natierlich so e G'schäft, des unser G'sez mit „Erpressung“ bezeichnet, krumm uff un loht die Firma uff e Jährle fern vun Madrid drierer noochdenke, was e Sach is. — Dodermit is so e G'schicht freilich abgewickelt, un aus d'r Welt g'schafft, awer unangenehm bleibt se for den, der 's unschuldige Opfer der versuchte Erpressung abgewe muß, doch! Awer wer kann for Malleer! Zwer Machulle geht keen Weg. — Also wie g'sagt, Männer: Norr aus purem Mitleid un Barmherzigkeit nix hergewe! B'onders nit, wann d'r's miteme Weedl zu dhun hab. So e Dos hott die Krenk. So eeni is im Schtand, wann d'r ihr schbäter dann nit gebt, was se will, un bablt vun Brief, die d'r vielleicht eewefalls aus purem Mitleid un Barmherzigkeit emool an se g'schriewe hab. Un dann is so eeni im Schtand un verwickelt aah noch annere mild-

thädige Zeit in so e figliche G'schicht, die dann an Ort un Schtall vun Rechtswege beschättige misse, daß se dem Weedl eewefalls e Gutdehnhkreizerschickl odder en Dhaler aus Mitleid gewe hawe. Sogar längst Verschtornene kann in so'me Fall so e Dos aus'm Grab zitiere, so daß die iwerleewend Wittfraa verzähle muß, daß ihr Mann selig der Freile zwar aah emool dreifig Gulde g'schenkt, sie im Zwerige ihrn Mann awer nix noochjage dhät losse. Un so weiter, Männer! Korz, hiet eich vor Mitleid un Barmherzigkeit, suncht kennt'r in G'schichte verwickelt werre, aus der eich wedder en Erlöser mit, noch en Erlöser ohne G'wehr rauschhablt. Ob sich die G'schicht im Summer odder im Winter zugebrage, is dann aah ganz Worscht — ihr henkt halt drinn! —

Daß sich e „Case“, des schon in de gute alte kurlpälzische Zeite hier beschtanne, widder nei reschtaurirt an de Lade legt, un bei der Gelegenheit e veehrlich Publitum zu sein hunnerijährige Geburtstag einlad, hott mich sehr g'freet, dann scheene Caffehaiser kann ma inn'ere Fremdeschtadt, wie Heidelberg, nit genug hawe. Daß des Case werkluch schon zu Zeite d'r frehliche Churpalz Caffé verzappt, beweist d'r churpälzer Anstrich, den e G'schicht hott, die sich widder drinn zugebrage, noochdem's kaum widder ereffent war. Die churpälzer Natur verliert sich awer am ächte Pälzer nit. Am Sunndag is nämlich en Gascht in des Case kumme un hott e Glas Bier verlangt, is awer vum dienschtbare weibliche Geischt, der den neie churpälzische Raum durchschwebt, gar nit beacht worre. Warum? hott unser Gascht erlicht gemerckt, noochdem endlich d'r Herr Sohn vum Haus in heefsch eigener Person erschiene un unserum Urpälzer bedekt hott, er kennt in den neie Kleeder hier nix kliche! Er mißt sich for Kleeder sorge, in den ma'n nit for'n Hausknecht ansehe kennt! — Wie der Mann ausg'sehe, weech ich jetzt freilich nit, Männer. Awer soviel weech ich, daß der verschmähte Gascht de letschte Feldzug gege die Franzose mitgemacht, un dem Herrn Sohn vum Haus in seiner Verbitterung zu verschtehn gewe: er meegt aussehe, wie'r wollt un vielleicht nit zu denne noowle Herrn im Case do baffe, awer soviel kennt'er'm schriftlich gewe, daß'r 'n braver Soldat gewest war un sich im Krieg ke Frei gheit zu Schulde häit kumme losse! — So endet die Geschichte. So G'schichte sin freilich sehr churpälzisch, Männer, sollte awer heit zu Dag in unserm gebriesene Zeitalter d'r Freiheit un Gleichheit nit mehr vorkumme. Ich meen, mir hätte genug an d'r „ordentliche“ Wertrtschaft, mir breichte nit aah noch sogenannte „ordliche“ Kaffeheiser, in denne die Ordlichkeit norr am Rock abgemesse werd, denn eener am Leib drägt. D'r Rock machts nit alleen aus. E Behauptung, Männer, die ma grad hier, in Heidelberg, leider norr zu oft beschättigt sinne. Dann die greeischt Unordnung, die ordinärschte Schtreech werre, wie Jigura Gerichtsverhandlung seit e paar Jahr norr zu oft beweise, grad vum Herre gemacht, die sein wie Barone hier rum gehn. Unser Sanct Peterskerch un Nickerbrück kenne wenigstens e Liedl davon verzähle.

Druck und Verlag von G. Geisendörfer.